




浙江圖書館




浙江圖書館



浙江圖書館

資治通鑑節要讀本卷之十四



浙江圖書館

資治通鑑節要續編卷之十四

宋紀

附金紀

高宗皇帝 三



戊午

八年

金天眷元年○清三年○夏大德四年

西遼咸

春正

月戊子朔帝在建康府○張守罷時帝

以樓炤言議還臨安張守言建康自六

朝為帝王都氣象雄偉且據都會以經

理中原依其險阻以捍禦強敵陛下席

未暖今又巡幸百司六軍有勤動之苦

民力邦用有煩費之憂願少安于此以
繫中原民心趙鼎不可守遂求去○以

胡世將為四川安撫制置使○班女

直小字○二月帝如臨安府○胡安國

進春秋傳詔加安國寶文閣直學士尋

卒自王安石廢春秋不列於學官安國

謂先聖手所筆削之書天下事物無不

備於此乃傳心之要典也而人主不得

聞講說學士不得相傳習亂倫滅理用

胡安國
進春秋
傳

夏變夷殆由乎此。因潛心二十餘年著

春秋傳以成其志。至是上之帝謂深得

聖人之旨。詔進一官。命未下而卒。帝謂

趙鼎曰。安國所解春秋。朕置之座右。朕

喜春秋之學。率二十四日讀一過。居常

禁中。亦自有日課。早朝退省。閱臣僚上

殿章疏。食後讀春秋史記。晚食後閱內

外章奏。夜讀尚書。率以二鼓罷。又曰。頃

陳公輔嘗諫朕學書。謂字畫不必甚留

意。朕以謂人之常情。必有所好。或喜田

獵。或嗜酒色。以至其他玩好。皆足以蠱

惑性情。廢時亂日。朕自以學書

賢於他好。然亦不至廢事也。○帝至

臨安府。自是定都矣。○三月。以仲儻為

臨安府。自是定都矣。○三月。以仲儻為

臨安府。自是定都矣。○三月。以仲儻為

臨安府。自是定都矣。○三月。以仲儻為

臨安府。自是定都矣。○三月。以仲儻為

相秦檜入

嗣濮王○以劉大中叅知政事。王庶為
樞密副使○以秦檜為尚書右僕射兼
樞密使。初張浚嘗與趙鼎論人才。浚極
稱檜善。鼎曰。此人得志。吾輩無所措足
矣。浚不以為然。故引檜共政。方知其闇。
不復再薦。檜因憾之。及鼎再相。檜在政
府。一惟鼎言是從。鼎由是深信之。言檜
可大任於帝。而不知為檜所賣也。檜既
相。制下。朝士相賀。獨吏部侍郎晏敦復

曼較復
真愛姦人

相

有憂色。曰：姦人相矣。聞者皆以其言為

過。○陳與義罷。○**金**以韓昉為翰林學

士。○夏四月，詔王庶視師江淮。○五月

王倫及**金**使烏陵思謀來。○初，倫至會寧

廢劉豫。次致使指。會撻懶自河南還。言

于**金**主。請以廢齊舊地與宋。金王命群

臣議。幹本力言不可。東京留守完顏宗

雋曰：我以地與宋。宋必德我。完顏宗憲

折之曰：我俘宋人父兄。怨非一日。若復

資以土地。是助讎也。何德之有。勿與便

時蒲盧虎位在幹木上。撻懶宗雋附之。

由是蒲盧虎執議以河南陝西地與宋。

遂遣倫及其太原少尹烏陵思謀太常少卿石慶來。○**金**以經義

詞賦兩科取士○六月賜衍聖公孔玠

衢州田以奉先聖祠事

田凡五頃時玠僑寓于衢

王庶自淮南還

庶素有威嚴及視師坐壇上自大将已下悉以

戎服步由轅門廷趨受命拜賜而出

○以張宗顏知廬州

徙劉錡屯鎮江○秋七月以王倫為奉

迎梓宮使如○八月○金始頒行宮制

○金以所都會寧為上京改遼上京臨

潢府為北京

會寧即海古之地金之舊土按出虎水源于此故名

金源東京遼陽西京大同南京○九月
大興中京大定府則仍遼舊云

趙鼎罷

命改燕京樞密院為行臺尚書省。○冬十月。劉大中罷。○趙鼎罷。大中與趙鼎不主和議。秦檜忌之。故罷。○以勾龍如淵為御史中丞。先是宰執入見。秦檜獨留身言。臣僚畏首尾。多持兩端。此不足與斷大事。若陛下決欲講和。乞專與臣議。勿許群臣預。帝曰。朕獨委卿。檜曰。臣恐未便。望陛下更思三日。容臣別奏。又三日。檜復留身奏事。帝意欲和甚堅。檜

泰檜主
和議成

猶以為未也。復進前說。又三日。檜復留
身奏事。知帝意不移。遂排趙鼎。劉大中。
而一意議和。然猶以群臣為患。中書舍
人勾龍如淵為檜謀曰。相公為天下大
計。盍不擇人為臺諫。使盡擊去。則事定
矣。檜大喜。即擢如淵。劾異議者。卒成檜
志。○王倫及**金**使張通古來。言歸河南
陝西之地。有詔諭江南之名。帝歎息謂
王庶曰。使五日前得此報。趙鼎豈可去。

耶○知平江府向子諲致仕金詔諭使

諲不肯拜金詔乞致仕且○韓世忠乞

奏事行在所不許及金使張通古以詔

諭為名世忠四上疏言不可從願舉兵

決戰兵勢最重處臣請當之且言金人

欲以劉豫相待舉國士大夫盡為陪臣

恐人心離散士氣凋沮不報及張通古

還世忠伏兵洪澤鎮將邀殺之以壞和

議不克○十一月以孫近參知政事○

韓世忠
諫和議

詔侍從臺諫詳奏和**金**得失樞密院編
 脩官胡銓乞斬秦檜。詔貶銓監廣州都
 鹽倉。先是禮部侍郎兼直學士院曾開
 當草國書。辯視體制非是論之不聽。遂
 請罷。改兼侍講。秦檜以溫言慰之曰。主
 上虛執政以待。開曰。儒者所爭在義。苟
 為非義。高爵厚祿弗顧也。願聞所以事
 敵之禮。檜曰。若高麗之於本朝耳。開曰
 主上以盛德登大位。臣民之所推戴。列

曾開不
 草國書

主上以盛德登大位。臣民之所推戴。

聖之所聽聞。公當強兵富國。尊主庇民。

柰何自卑辱至此。非開所聞也。復引古

誼以折之。檜大怒。然猶慮群言。乃詔侍

從臺諫詳奏得失。於是從官曾開、張燾

、晏敦復、魏矼、李彌遜、尹焞、梁汝嘉、樓炤

、蘇符、薛徽言、御史方庭實、館職胡瑛、朱

松朱子之父時張擴、凌景夏、常明、范如

圭、馮時可、許忻、趙雍皆極言不可。和、李

綱亦上疏曰。朝廷使王倫使金國。奉迎

李綱諫
和議非
是

梓宮。往返屢矣。今倫之歸與虜使偕。乃以詔諭江南為名。不著國號。而曰江南。不云通問。而曰詔諭。此何禮也。臣在遠方。不知其曲折。然以愚意料之。虜為此名。以遣使其邀求有五。必降詔書。欲陛下屈體降禮以聽受。一也。必有赦文。欲朝廷宣布頒示郡縣。二也。必立約束。欲陛下奉藩稱臣。稟其號令。三也。必求我賂。廣其數目。使我坐困。四也。必求割地。

以江南為界。五也。此五者。朝廷從其一。則大事去矣。金人變詐不測。貪恠無厭。縱使聽其詔令。奉藩稱臣。其志猶未已。必繼有號召。或使親迎梓宮。或使單車入覲。或使移易將相。或使改革政事。或竭取賦稅。或朘削土宇。從之。則無有紀極。一不從。則前功盡廢。反為兵端。以謂權時之宜。聽其邀求。可無悔者。非愚則誣也。疏入不省。胡銓抗疏言曰。臣謹案

賂廣其數目。使我坐困四也。必求害地

胡銓抗
疏極言
和議之
非

王倫本一狎邪小人。市井無賴。頃緣宰
臣無識。遂舉以使虜。專務詐誕。欺罔天
聽。驟得美官。天下之人。切齒唾罵。今者
無故誘致虜使。以詔諭江南為名。是欲
臣妾我也。是欲劉豫我也。夫天下者。祖
宗之天下也。陛下所居之位。祖宗之位
也。柰何以祖宗之天下。為金虜之天下。
以祖宗之位。為金虜藩臣之位。陛下。一
屈膝。則祖宗廟社之靈。盡汙夷狄。祖宗

屈膝則祖宗廟社之靈盡汙夷狄祖宗

數百年之赤子。盡為左衽。朝廷宰執。盡為陪臣。天下士大夫。皆當裂冠毀冕。變為胡服。異時豺狼無厭之求。安知不加我以無禮如劉豫也哉。今倫之議曰。我一屈膝。則梓宮可還。太后可復。淵聖可歸。中原可得。嗚呼。自變故以來。主和議者。誰不以此說陷陛下哉。然而卒無一驗。則虜之情偽。已可知矣。而陛下尚不覺悟。竭民膏血而不恤。忘國大讎而不

報含垢忍耻。舉天下而臣之。甘心焉。就
令虜決可和。盡如倫議。天下後世謂陛
下何如主。况醜虜變詐百出。而倫又以
姦邪濟之。梓宮決不可還。太后決不可
復。淵聖決不可歸。中原決不可得。而此
膝一屈。不可復伸。國勢凌夷。不可復振。
可為痛哭流涕。長太息矣。今內而百官
外而軍民。萬口一談。皆欲食倫之肉。謗
議洶洶。陛下不聞。正恐一旦變作禍。且

議洵洵陛下不聞正恐一旦變作禍且

不測。臣竊謂不斬王倫。國之存亡未可知也。雖然。倫不足道也。秦檜以腹心大臣而亦為之。陛下有堯舜之資。檜不能致君如唐虞。而欲導陛下如石晉。孔子曰。微管仲。吾其被髮左衽矣。夫管仲霸者之佐耳。尚能變左衽之區而為衣裳之會。秦檜大國之相也。反驅衣冠之俗而為左衽之鄉。則檜也。不惟陛下之罪人。實管仲之罪人矣。孫近傳會檜議。遂

胡銓乞
斬秦檜
孫近

得參政。天下望治。有如饑渴。而近伴食
中書。漫不敢可否事。檜曰可。和近亦曰
可。和檜曰。天子當拜。近亦曰當拜。臣嘗
至政事堂。三發問。而近不荅。但曰。已令
臺諫侍從議矣。嗚呼。參贊大政。徒取充
位如此。有如虜騎長驅。尚能折衝禦侮。
耶。臣竊謂檜近亦可斬也。臣備員樞屬。
義不與檜等共戴天。區區之心。願斷二
人頭。竿之藁街。然後羈留虜使。責以無

禮。徐興問罪之師。則三軍之士。不戰而
氣自信。不然。臣有赴東海而死。寧能處
小朝廷。求活耶。書上。連貶竄。宜興進士。
吳師古。鋟其書于木。人募其書千金。
朝士陳剛中。以啓事賀銓之謫。師古坐
流袁州。剛中謫知虔州安遠縣。皆死焉。
晏敦復謂人曰。頃言檜姦。諸君不以為
然。今方專國。便敢尔。他日何所不至耶。
○王庶罷。庶屢言和議非是。不聽。遂求

罷從之○十二月以李光參知政事。榜

諭及**金**通和○以韓肖胄僉書樞密院

事。充**金**國奉表報謝使○以施廷臣為

侍御史莫將為起居郎。不敢拜監察御史施廷

臣。司農丞莫將附秦檜抗章力贊和議。檜擢用之。朝論大駭。吏部尚書張燾率

侍郎晏敦復上疏切諫。於是二人皆不敢受命。檜患之。使樓炤諭以美官。燾終

不易前論○作慈寧宮以皇太后韋氏將還。命作宮以待之。

與金和赦



九年

金天眷二年。西遼咸清四年。夏大德五年。春正

月。大赦。直學士院樓炤草赦文略曰。乃

月大赦直學士院樓炳草赦文略曰乃

張浚言
和議之
非

上穹開悔禍之期而大金報許和之約
割河南之境土歸我輿圖戢宇內之干
戈用全民命張浚在永州上疏言燕雲
之舉其鑒不遠虜自宣和以來挾詐反
覆傾我國家蓋非可結以恩信事以仁
義者借令虜中有故上下紛雜天屬盡
歸河南遂復我必德其厚賜謹守信誓
數年之後人情益解士氣漸消彼或內
變既平指瑕造釁肆無厭之欲發難從

之請其將何辭以對。顧事理可憂。又有甚於此者。陛下積意兵政。將士漸孚。一旦北面事虜。聽其號令。比肩遣使接武求盟。小大將帥。孰不解體。陛下方經理河南而有之。臣知其無與赴功而共守者也。蓋自堯舜以來。人主奄有天下。非兵無以立國。未聞委質夷狄。可以削平禍難。遠而石晉。近而叛豫。著人耳目。歷歷可想。戰國之時。楚懷王入覲于秦。一

歷可想戰國之時楚懷王入朝于秦一

岳飛言
和議之
非

往不返逮今千載之下為之痛心由辨
之不早也漢高祖知項羽之寡恩少義
其和不可恃故雖再敗固陵甘心不悔
茲二事者足為今之戒矣前後凡五上
疏皆不報岳飛在鄂州聞金將歸河南
地上言金人不可信和好不可恃相臣
謀國不臧恐貽後世譏秦檜銜之及赦
至郢岳飛又上疏力陳和議之非至有
願定謀於全勝期收地於兩河唾手燕

吳璘
聞
和下樂

雲終欲復讎而報國誓心天地尚令稽首以稱藩之語。疏入秦檜益怒。遂成讎隙。吳璘在熙州其幕客擬為賀表。璘愀然曰。在朝廷休兵息民。誠天下慶。璘等叨竊不能宣國威靈。亦可愧矣。但當待罪稱謝可也。知廣州連南夫監明州比較務楊懌皆上書極言和議之失。秦檜深怒之。○以王倫同僉書樞密院事。充奉護梓宮。迎請皇太后及割地界使。○

奉護梓宮。迎請皇太后及割地界使。

遣判大宗正事士儂乃了反兵部侍郎張

燾詣河南修奉陵寢。初史館校勘范如

圭。以秦檜力建和議。以書責檜曲學倍

師忘讎辱國之罪。且曰。公不喪心病狂。

柰何為此。必遺臭萬世矣。及金人歸河

南地。檜方自以為功。如圭入對。言兩京

之版圖既入。則九廟八陵瞻望咫尺。今

朝陵之使未遣。何以慰神靈萃民志乎。

帝咨然曰。非卿不聞此言。○以尹焞提

范如圭
青秦檜
主和之
非

舉萬壽觀兼侍講。焯固辭不拜。先是資

善堂翊善。朱震疾亟。薦焯自代。帝慘然

曰。楊時物故。胡安國與震又亡。朕痛惜

之。趙鼎曰。尹焯學問淵源。可以繼震。乃

除焯太常少卿。兼崇政殿說書。至是改

命。焯以和議為非。固辭不拜。○加岳飛

開府儀同三司。飛固辭不許。○以王倫

為東京留守。○以吳玠為四州宣撫使。

○初。賜內侍藍安石謚。宦者有謚始此。

尹焯以和議非不拜

賜內侍謚

○二月。以周聿為陝西宣諭使。方庭實為三京宣諭使。○以李綱為湖南安撫大使。張俊為福建安撫大使。○以郭浩為陝西宣諭使。○三月。封和州防禦使璩為崇國公。聽讀于資善堂。○王倫至汴。○**金**人以三京及陝西河南地歸之。○以樓炤僉書樞密院事。○**夏**人陷府州。○夏。四月。命樓炤宣諭陝西諸路。○以孟庾為西京留守。路允迪為南京留守。

○五月。鄜延副將李世輔自夏來歸。賜

名顯忠

世輔之先。綏德青澗人。自唐以來。世襲蘇尾九族巡檢。世輔年

李世輔
自夏來
歸

十七。隨父永奇出入行陣。金人犯鄜延。經畧王庶募間者。世輔應募有功。庶大

奇之。遷副將。金人陷延安。授永奇父子官。永奇聚泣曰。我宋臣也。世襲國恩。乃

為彼用耶。戒世輔曰。汝若得乘機即歸本朝。無以我故貳其志。事成。我亦不朽

矣。兀朮授世輔知同州。永奇曰。同州人南山。乃金人往來驛路。汝可於此擒其

酋。渡洛渭。由商虢歸朝。第報我知。我當以兵取延安而歸。世輔赴同州。即遣黃

士成等持書由蜀至。報歸朝事。金徽

商喝來同州。世輔以計執之。馳出城。至洛河。舟船後期。不得渡。與追騎屢戰。皆捷。世輔懟高原。望追騎益多。與徽商喝

卷之四

七

折箭為誓。不得殺同州人。及害我骨肉。
徽窮。喝許之。遂推之下山崖。追兵爭救。
得免。世輔携老幼長驅而北。至廊城縣。
急遣人告永奇。永奇即挈家出城。至馬
翅谷口。為金人所及。家屬二百口皆遇
害。世輔僅以二十人奔夏國。具言父
母妻子之亡。切齒疾首。恨不即死。願得
二十萬人。生擒徽。離喝。取陝西五路歸
于夏。世輔亦得報不共戴天之讎。夏主
即以二十萬。以文臣王樞。武臣務吡為
陝西招撫使。世輔至延安。總管趙惟清
大呼曰。廊延今復歸宋。世輔取赦文觀
之。因與官屬列拜大哭。乃辭。王樞移吡
不從。遂擒之。夏兵大潰。世輔揭榜招兵
得萬人。乃擒害其父母。○六月。皇后邢
弟姪者。斬於東市。遂歸。

氏崩于



之五國城



國主乾順卒

吳玠卒

子仁孝立。○四川宣撫使吳玠卒。玠善讀史。凡往事可師者錄置座右。積久墻牖皆格言也。用兵本孫吳務遠略。不求近小利。故能保必勝。御下嚴而有息。虛心請受。雖身為大將。卒伍最下者得以情達。故士樂為之死。選用將佐視勞能為高下先後。不以親故權貴撓之。卒年四十七。自富平之敗。金人專意圖蜀。微玠身當其衝。無蜀久矣。故西人思之。為

珍身當其衝無蜀久矣故西人思之為

作廟以奉焉○竄澧州推官韓紉于循

州以上書論和議之非○以孟庚兼東京留守○

士偃還自河南貶兵部侍郎張燾知成

都府先是燾還奏曰金人之禍上及山

陵雖殄滅之未足以雪此耻復此讎也

因極言必不可恃和盟而忘復讎之大

事帝問諸陵寢如何燾不對惟言萬世

不可忘此賊帝黯然秦檜患之遂貶○

樓炤承制以楊政為熙河經略使吳璘

張燾言
金離萬

世不可
忘

為秦鳳經略使屯興元以保蜀郭浩為

廊延經略使屯延安以守陝○東京留

守王倫如**金**金人執之是時兀朮言于

盧虎主割河南與宋必有陰謀今宋使

在汴勿令踰境倫聞之即遣介具言于

朝會孟庚至汴倫即解留鑰將使指赴

金國議事行至中山會撻懶等及金人

之執○秋七月以胡世將兼權主管四川

宣撫司事于河池○**金**蒲盧虎等謀反

伏誅金宋國王蒲盧虎自以太宗長子

復附之撻懶方持兵柄遂拒與謀反事

覺蒲盧虎宗雋皆伏誅以撻懶屬尊釋

金人執于倫

復附盧虎宗雋皆伏誅以逐和
不問出為行臺
左丞相居燕京
○**金**以兀朮為都元帥

○**金**以杜充為行臺右丞相
○樓炤還

自鳳翔○八月**金**撻懶等復謀反伏誅

○蘇符如**金**賀正也○冬十月**金**徙王倫

于河間遣副使藍公佐還○嗣濮王仲

偁卒○十二月李光罷以與檜議不合

故也

庚申十年金天眷三年○西遼咸清五年○夏仁宗仁孝大慶元年

春正月以莫將為迎護梓宮奉迎兩宮

李綱卒

綱鼎為
遠人所
服

使○提舉臨安府洞霄宮李綱卒。年五
十八。綱負天下之望。以一身用舍為社
稷生民安危。身雖在外。知無不言。雖不
見用。而心未嘗少變。為相僅七十日。而
其忠誠義氣。凜然動乎遠邇。每使者至
金。金人必問李綱趙鼎安否。其為遠人
所畏服如此。使得畢力殫慮於靖康建
炎間。莫或撓之。二帝何至於北行。而宋
亦豈至為南渡之偏安耶。惜哉。○二月。

亦豈至為南渡之偏安耶惜哉

以劉錡為東京副留守李顯忠為南京

副留守○夏四月**金**蜀國公銀木可卒

○韓肖胄罷○五月作敷文閣○**金**人

分道南侵兀术至東京留守孟庾以城

降之河南州縣皆復為**金**兀术以歸地于宋為非計

金人分道南侵

遂與**金**本定謀**金**主乃如燕京命兀术自黎陽趣沐撒禹喝出河中趨陝西聶

离攻山東李**金**冊李仁孝為夏國王

○**金**烏祿侵南京留守路允迪以城降

之葛王烏祿太祖之孫**金**李成侵西京

留守李利用棄城走○**金**撒离喝取永
興軍陝西州縣皆降之○**金**烏祿圍順
昌府劉錡敗之六月兀朮來戰錡復大
敗之兀朮走還汴順昌圍解初劉錡赴
東京率所部王彥八字軍三萬七千人
及殿司卒三千為四萬人自臨安泝江
絕淮至渦口方食忽暴風拔坐帳錡曰
此賊兆也主暴兵即下令兼程而進聞
金人敗盟南下錡與將佐捨舟陸行先

趙三百里至順昌城中謀賊東京已各

金人敗盟南下。錡與將佐捨舟陸行。先

趨三百里至順昌。城中謀報東京已降。

知府陳規見錡問計。錡曰。城中有糧。則

能與君共守。規曰。有米數萬斛。錡曰。可

矣。乃與規議。歛兵入城。為守禦計。時八

字軍以將駐于汴。皆挈孥以行。至是錡

召諸將問計。諸將以東京已陷。皆曰。金

兵不可敵也。請以精銳遮老穉。順流還

江南。錡曰。吾本赴官留司。今東京為金

所陷。幸吾全軍至此。有城可守。柰何棄

劉錡議
守順昌

之。吾意決矣。敢言去者斬。惟部將許清
議與錡合。錡喜。乃鑿舟沈之。示無去意。
寘家寺中。積薪于門。戒守者曰。脫有不
利。即焚吾家。毋辱敵手也。分命諸將守
諸門。明斥候。募土人為間探。於是軍士
皆奮。男子備戰守。婦人礪刀劍。時守備
一無可恃。錡於城上。躬自督厲。取車輪
轆埋城上。又徹民戶扉。周匝蔽之。城外
有民居數千家。悉焚之。凡六日。鹿畢。而

御 鎬備守

游兵已涉潁河。至城下。五月壬寅。人圍城。鎬預於城下設伏。擒敵將阿黑等二人。詰之。云韓將軍營自沙窩距城三十里。鎬夜遣千餘人擊之。連戰殺敵頗衆。既而烏祿以兵三萬與龍虎大王合而薄城。鎬令開諸門。人疑不敢近。先是鎬傳城築羊馬垣。穴垣為門。至是與許清葦蔽垣為陣。人縱矢皆自轅端軼著于城。或止中垣上。鎬用破敵。

劉錡敗
金烏標

弓翼以神臂強弩自城上或垣門射敵
無不中者敵稍却復以步兵邀擊溺河
死者不可勝計破其鐵騎數千時順昌
圍已四日**金**兵益盛乃移砦于李村錡
遣閻充募壯士五百夜斫其營是夕天
欲雨電光四起見辨髮者輒殲之**金**兵
退十五里錡復募百人往或請銜枚錡
笑曰無以枚也命折竹為器古弔反大
呼也高聲
也如市井兒以為戲者人持一以為號

直犯金營電所燭則皆奮擊電止則

直犯金營。電所燭則皆奮擊。電止則匿不動。敵衆大亂。百人者。聞吹噐聲即聚。

金

人益不能測。於是終夜自戰。積死盈

野。退軍。老婆灣。兀木在汴。聞之。即索靴上馬。與孔彥舟、鄺瓊、趙榮等帥十萬衆來接。過淮寧留一宿。治戰具。備糗糧。不七日至順昌。錡會諸將問計。或言今已屢捷。宜乘此勢具舟全軍而歸。陳規曰。朝廷養兵十五年。正為緩急之用。况已

挫敵鋒。軍聲稍振。雖衆寡不敵。然有進無退。錡曰。府公文人。猶誓死守。况汝曹耶。且敵營甚邇。而兀术又来。吾軍一動。彼躡其後。則前功俱廢。使敵侵軼兩淮。震驚江浙。則平生報國之志。反成誤國之罪。衆皆感動。思奮曰。惟太尉命。壬子。兀术至城下。責諸將喪師。衆皆曰。南朝用兵。非昔之比。元帥臨城。自見。錡遣耿訓以書約戰。兀术怒曰。劉錡何敢與我

劉錡六
敗兀术

戰。以吾力破汝城。直用靴尖擡他歷反

戰以吾力破汝城。直用靴尖趯。

他歷及
跳趯也

倒耳。耿訓曰：太尉非但請與太子戰，且謂太子必不敢濟河。願獻浮橋五所，濟而大戰。兀术曰：諾。乃下令明日府治會食。遲明，錡果為五浮橋於潁河上。敵由之以濟。錡遣人毒潁上流。及草中，戒軍士雖渴死，毋得飲于河。飲者夷其族。敵用長勝軍嚴陣以待。諸酋各居一部。時大暑，敵遠來疲弊。錡士氣閒暇，敵晝夜

不解甲。鎡軍皆番休。敵人馬饑渴。食水草者輒病。徃徃困乏。方晨氣清涼。鎡按兵不動。逮未申時。敵力疲氣索。忽遣數百人出西門接戰。俄遣數千人出南門。戒令勿喊。但以銳斧犯之。統制官趙樽韓直身中數矢。戰不肯已。士殊死戰。入其陣。刀斧亂下。敵大敗。是夕大雨。平地水深尺餘。乙卯兀朮拔營去。鎡遣追之。死者數萬。方大戰時。兀朮被白袍乘甲。

劉錡順
白之捷

馬以牙兵三千督戰。兵皆重鎧甲。號鐵
浮圖。戴鐵兜牟。周匝綴長簷。三人為伍。
貫以韋索。每進一步。即用拒馬擁之。進
一步。拒馬亦進。退不可却。官軍以槍標
去兜牟。大斧斷其臂。碎其首。敵又以鐵
騎分左右翼。號拐子馬。皆女直為之。號
長勝軍。專以攻堅。戰酣然後用之。自用
兵以來。所向無前。至是亦為錡軍所殺。
自辰至申。敵敗。錡以拒馬木障之。少休。

城上鼓聲不絕。乃出飯羹坐餉戰士。如平時。敵披靡不敢近。食已。撤拒馬木。深入斫敵。又大破之。棄屍斃馬血肉枕藉。車旗器甲積如山阜。兀術平日所恃以為強者。十損七八。至陳州。數諸將之罪。韓常以下皆鞭之。遂擁衆還汴。是役也。鎡雖以寡禦衆。而能以逸待勞。故能成功。既而洪皓自金密奏順昌之捷。金人震恐喪魄。燕之重寶珍器悉徙而北。意

欲相燕以南棄之。故議者謂是時者

諸將敗
金兵

欲捐燕以南棄之。故議者謂是時諸將
協心分路追討。則兀朮可擒。汴京可復。
而王師亟還。自失機會。良可惜也。○吳
璘使李師顏敗金人于扶風。拔之。○岳
飛將牛皋敗金人于京西。○郭浩使鄭
建充敗金人于醴州。拔之。○樓炤以父
喪去位。○王彥敗金撒离喝于青溪嶺。
撒离喝走還鳳翔。○詔齊安郡王士儂
主奉濮王祠事。○使李若虛諭岳飛班

諭岳飛
班師

韓世忠
敗金人

師時飛遣將分布經略而自率軍長驅
以闡中原將發密奏曰今欲恢復必先
正國本以安人心然後不常厥居以示
無忘復讎之志因遣兵東援劉錡西援
郭浩而秦檜力主和議奏遣司農少卿
李若虛詣飛軍諭指班師飛奏金人銳
氣沮喪而我豪傑向風士卒用命時不
再來機難輕失不可○韓世忠使王勝
成閔大敗金人于淮陽軍○岳飛及

人戰于蔡州敗之復其城○閏月張俊

岳飛敗
金人

人戰于蔡州。敗之。復其城。○閏月。張俊

使宋超敗金人于朱家村。○胡世將使

田晟大敗金人于涇州。○岳飛使張憲

敗金韓常于潁昌。復潁昌及淮寧府。○

岳飛使郝晷敗金人于鄭州。復其城。○

知河南府李興復汝州。遂敗金人于河

清。復伊陽等八縣。李成遁去。○韓世忠

使王勝復海州。金人來救。勝大敗之。○

王德復宿州。遂會張俊于城父。金烏祿

及酈瓊棄亳州遁去。俊入亳，留二日而

還。次于壽春。時酈瓊與葛王烏祿在亳。

聞德至，曰：「夜又未易當也。」即引去。初于

十六騎徑入隆德府。縛金守臣姚太師以獻于朝。欽宗問狀。姚對曰：「臣就縛時

止見一夜又耳。由德入亳州，請于俊曰：「是入呼為王夜。」

今兵威已振，請乘勢進取。俊不從而還。

○安置秘書少監趙鼎于潮州。○秋七

月，岳飛使張應會李興復永興軍。○以

王次翁參知政事。秦檜薦之也。初為中丞。故凡可以為檜之

安置趙鼎于潮州

力為之無不。岳飛大敗兀朮于郟城。

地者。無不
力為之。

○岳飛大敗金兀朮于郾城

先是飛留大軍于潁昌。命諸將分道出戰。自以輕騎駐郾城。兵勢甚銳。兀朮大懼。會諸帥欲併力一戰。飛聞之曰。金人伎窮矣。乃日出挑戰。且罵之。兀朮怒。合龍虎大王。蓋天大王。及韓常之兵逼郾城。飛遣子雲領騎兵直貫其陣。戒之曰。不勝先斬汝雲。與金人戰。凡數十合。金屍布野。兀朮以拐子馬萬五千來。飛戒

步卒以麻札刀入陣。勿仰視。第斫馬足。拐子馬相連。一馬仆。二馬不能行。飛軍奮擊。遂大破之。兀朮大慟曰。自海上起兵。皆以此勝。今已矣。因復益兵而前。飛自以四十騎突戰。敗之。○以楊沂中為淮。此宣撫副使。劉錡為判官。○**金**兀朮侵潁昌。岳飛使王貴敗之。時兀朮既敗于鄆城。憤甚。合師十二萬。次于臨潁。楊再興以三百騎遇之。于小商橋。縣與之

戰。殺二千餘人。及萬戶。散八千五百人。

易平興
戰死焚
箭鏃二
升

再興以三百騎遇之于商橋。與之戰，殺二千餘人。及萬戶撒八千戶百人。再興死之，獲其屍焚焉。得箭鏃二升。飛痛惜之。張憲繼至，復戰。兀朮夜遁，追奔十五里。中原大振。飛謂子雲曰：賊屢敗，必還攻潁昌。汝宜速援王貴。既而兀朮果至，貴將游奕雲將背嵬戰于城西。雲以騎兵八百挺前決戰，少卒張左右翼繼之，殺兀朮壻夏金吾。兀朮引兵還汴。○岳飛使梁興渡河，會太行忠義兩河

豪傑敗金人于垣曲。又敗之於沁水。遂

復懷衛州。太行道絕。金人大恐。斷金人山東河

岳飛敗金兀朮

北之道○岳飛大敗金兀朮于朱仙鎮。兀

於朱仙鎮

朮走還汴。飛遣使脩治諸陵。○岳飛奉

詔班師。遂自郾城還鄂州。金復取潁昌

淮寧府蔡州。飛固辭職。不許。時梁興

會太行忠義社。及兩河豪傑等帥衆歸

岳飛。由是金人動息。山川險要。飛皆得

其實。中原盡磁相澤潞晉汾隰衛之境

皆期日與兵。與官軍會。其所揚旗以岳

岳飛銳
意恢復
中興

皆期日興兵與官軍會。其所揭旗以岳
為號。父老百姓爭挽車牽牛載糗糧以
饋義軍。頂盆焚香迎候者充滿道路。自
燕以南。金人號令不行。兀朮欲僉軍以
抗飛河北。無一人應者。乃歎曰。自我起
北方以來。未有如今日之挫衄。金將烏
陵思謀素驍勇桀黠。亦不能制其下。但
諭之曰。毋輕動。俟岳家軍來。即降。金將
王鎮崔慶李覲崔虎華旺等皆率所部

降飛。金龍虎大王之將乞查等亦密受
飛旗榜自其國來降。金韓常亦欲以衆
五萬內附。飛大喜。語其下曰。直抵黃龍
府。與諸軍痛飲爾。因上奏興等過河人
心願歸朝廷。金兵累敗。兀朮等皆令老
少北去。正中興之機。而秦檜方欲畫淮
以北與金為和。諷臺臣請諸將班師。且
知飛志銳不可回。上言飛孤軍不可久
留。乞速召還。於是飛一日奉十二金字

秦檜詔
沮飛功

飛憤惋泣下。東面再拜曰。十年之力。

牌飛憤惋泣下。東面再拜曰：十年之力，廢於一旦。乃自郾城引兵還，民遮馬慟哭。訴曰：我等戴香盆、運糧草，以迎官軍，金人皆知之。相公去，我輩無噍類矣。飛亦悲泣，取詔示之曰：吾不得檀留哭聲震野。飛留五日，以待民徙。從而南者如市。飛亟奏以漢上六郡間田處之。初，兀術敗于朱仙，欲棄汴而去。有書生叩馬曰：太子毋走，岳少保且退矣。兀術曰：岳

河南地
復陷金

貶張九
成等

少保以五百騎破吾十萬。京城日夜望其來。何謂可守。生曰。自古未有權臣在內。而大將能立功於外者。岳少保且不免。况欲成功乎。兀术悟。遂留不去。及飛還。兀术遣兵追之。不及。而河南新復府州。皆復為金有。飛至鄂。力請解兵柄。不許。已而入覲。帝問之。飛拜謝而已。○八月。以張九成。喻樗。陳剛中。凌景夏。樊光遠。毛叔度。元盥。七人。謗訕和議。貶官。有

差左。秦檜之謀也。九成從揚特學。紹興初。

差。秦檜之謀也。九成從揚時學，紹興初
舉進士，對策直言無隱。且曰：禍亂之作
天所以開聖人也。願陛下以剛大為心，
無以驚憂自沮。前世上與之主，大抵以
剛德為尚。去讒節慾，遠佞防姦，皆中興
之本也。且閭巷之人，皆知有父兄妻子
之樂。陛下貴為天子，冬不得溫，夏不得
清，昏無所定，晨無所省。感時遇物，悽惋
于心，豈不思所以還二聖之車乎。擢寘

班師
詔世忠

首選。及為邢部侍郎。屢以和議為非。檜誘之曰。且成。檜此事。九成曰。胡為異議。特不可輕易。以為安耳。帝問以和議。九成對曰。敵情多詐。不可不察。檜尤惡之。

○楊沂中之師。潰于宿州。遂自壽春渡淮而還。**金**人屠宿州。○九月。使李易諭韓世忠。罷兵還鎮。○**金**人復入西京。知府李興出走。○以郭浩知金州。節制陝西河東軍馬。○冬十月。**金**撒離喝取慶

陽府河東經略使王忠植死之。○十一

陽府河東經略使王忠植死之○十一

金封孔子後

月金封孔子後璠為衍聖公

時金主方興禮樂立

孔子廟於上京求孔子後得四

○十二

月金以阿离補撒离喝為左右副元帥

○金始置屯田軍于中原

金既復取河南猶慮中原

士民懷貳遂以女直奚契丹之人徙居雜處

○以知郴州劉

領為御史中丞劾秦檜主和議出為淮

東提刑

辛酉十一年

金皇統元年○西遼戊春

正月**金**兀术入壽春府。遂渡淮入廬州。

○詔楊沂中帥師赴淮西。岳飛進師江

州。○**金**主初服衮冕。○二月。王德復和

州**金**兀术退師。昭關德又敗之。遂復昭

關。○詔韓世忠帥師援淮西。○楊沂中

劉錡及**金**兀术戰于柘臯。大敗之。遂復

廬州。初兀术攻廬州。詔劉錡自太平州

援之。錡渡江。與張俊楊沂中會。而廬已

陷。錡乃與關師古據東關之險。以遏敵

捷 柘臯之

劉錡引兵出青溪。兩戰皆捷。兀术以柘臯

衝引兵出青溪。兩戰皆捷。兀术以柘臯地坦平。利於用騎。因駐師。錡進兵與兀术夾石梁河。而陣河通巢湖。廣二丈。錡命曳薪疊橋。須臾而成。翌日。沂中王德田師中張子蓋之軍俱至。錡與諸將分軍為三。並進渡河。以擊之。兀术以鐵騎十萬。分為兩隅。夾道而陣。德曰。賊右陣堅。我當先擊之。首犯其鋒。一酋被甲躍馬而出。德引弓一發而斃。乘勝大呼馳。

兀木驚
見順昌

幟

擊諸軍鼓噪從之。**金**人以拐子馬兩翼而進。德率衆鏖戰。沂中曰：敵恃弓矢，吾有以屈之。使萬人持長斧如墻而進，敵遂大敗。德與錡等追之，又敗于東山。敵望見驚曰：此順昌旗幟也。即退走，保于紫金山。是役也，失將士九百人。**金**人死者以萬計。既而兀木復親帥兵逆戰于店步。沂中等又敗之。乘勝逐北，遂復廬州。

○**金**命致仕官至三品者給半俸。

改封道君皇帝為天水郡王。淵聖皇帝

金主親
祀孔子

金改封道君皇帝為天水郡王。淵聖皇

帝為天水郡公。故遼主延禧為豫王。○

金主親祀孔子。北面再拜。退謂侍臣曰。

朕幼年游佚。不知志學。歲月逾邁。深以

為悔。孔子雖無位。其道可尊。使萬世景

仰。大凡為善。不可不勉。自是頗讀尚書

論語。及五代遼史諸書。或以夜繼焉。一

日宴群臣于瑤池殿。適兀术遣使奏捷。

侍臣多進詩賀。金主覽之曰。太平之世。

當尚文物。自古致治，皆由是也。○張俊

揚沂中。劉錡奉詔班師。三月**金**入取濠

州。俊使沂中救之，敗績。遂皆帥師還鎮。

○岳飛帥衆救廬州，不及，遂還舒州。○

金兀朮自渦口渡淮北去。○張俊還師

建康。○劉錡還師太平。○楊沂中還師

臨安。○夏四月，孫近罷。○以韓世忠、張

俊為樞密使，岳飛為副使。時秦檜力主

和議，恐諸將難制，欲盡收其兵權。給事

秦檜以
計罷三
將兵

和議恐諸將難制欲盡收其兵權

中范同獻計于檜請除世忠俊飛樞府

則兵柄自解檜喜故有是命○罷三宣

撫司以其兵隸御前張俊知秦檜欲罷

兵首請以所部隸御前且力贊和議檜

深喜之○五月置兩淮江東西湖廣京

西四道總領軍馬錢糧官○詔張俊岳

飛如楚州巡視邊防○**金**太師領三省

事幹本卒幹本自天會初即當國事議

禮制度興學選士治曆明時皆幹本○六月以秦檜為尚書左僕射

罷劉光世兵

燕樞密使○罷劉光世兵。以為萬壽觀使。光世尋卒。光世在諸將中最先進。律身不嚴。馭軍無法。不肯為國任事。嘗入對。言願竭力以報國。他日史官書臣功第一。帝曰。卿不可徒為空言。當見之行事。方之韓世忠。岳飛。不逮遠矣。○張俊。岳飛。還自楚州。○秋。七月。以范同參知政事。○罷淮北宣撫判官劉錡。錡自順昌之捷。驟貴。張俊。楊沂中。嫉之。至是二

罷劉錡

昌之捷。驟貴。張俊。楊沂中。胡之。至是。

人言于朝曰。淮西之役。岳飛不赴。援劉

錡。戰不力。秦檜信之。遂罷錡兵。命知荆

南府。○張俊如鎮江。措置軍務。○八月。

立祚德廟于臨安。祀晉趙武。及程嬰。公

孫杵曰。韓厥也。○罷知温州王居正。居

正立朝。累與秦檜忤。且辯王安石父子

學行之非。自兵部侍郎出知温州。知不

為檜所容。以目疾請祠。杜門言不及時

事。檜猶忌之。諷中丞何鑄劾居正。為趙

王居正
學本六
經

鼎汲引。欺世盜名。奪職奉祠。居正之學。根據六經。揚時器之。出所著三經義解。示居正曰。吾舉其端。子成吾志。居正感厲首尾十載。為詩書周禮辯學三十九卷。與時書同進。二書行天下。遂不復言王氏學。○岳飛罷。初飛在諸將中。年最少。以列校拔起。累立顯功。張俊不能平。飛屈已下之。幕中輕銳。教飛勿苦降意。飛不聽。及同如楚州。俊以韓世忠屢抗

飛屈已

飛不聽。及同如楚州。俊以韓世忠屢抗

論和議。忤秦檜意。欲與飛分背。鬼軍飛
義不肯。俊弗悅。俊又欲脩楚州城為備。
飛曰。當戮力以圖恢復。豈可為退保計。
俊變色。會世忠軍吏景著與總領胡紡
言。二樞密若分世忠軍。恐至生事。紡上
之朝。檜捕著下大理。將以扇搖誣世忠。
飛馳書告以檜意。世忠見帝自明。俊於
是大憾飛。遂倡言飛議棄山陽。且密以
飛報世忠事告檜。檜大怒。先是飛以恢

金兀朮

遺檜書

令殺岳

飛

復為已任。不肯附和議。嘗讀檜奏。至德
 無常師。主善為師之語。志曰。君臣大倫
 根於天性。大臣而忍面欺其主耶。兀朮
 遺檜書曰。汝朝夕以和請。而岳飛方為
 河北圖。必殺飛。始可和。檜亦以飛不死。
 終梗和議。已必及禍。故力謀殺之。遂調
 中丞何鑄。待御史羅汝楫。諫議大夫万
 俟卨。其音侯音木等。交章論飛奉旨援淮
 西。至舒蘄而不進。及與張俊按兵淮上。

又欲棄山陽而不守。遂罷為萬壽觀使。

西至舒鞞而不進及與孫修持兵

又欲棄山陽而不守。遂罷為萬壽觀使。

奉朝請。○九月。吳璘復秦州。楊政復隴

州。郭浩復華。陝州。詔班師。遂皆還鎮。初

璘拔秦州。聞金統軍胡蓋與習不祝。合

兵五萬屯劉家園。請于胡世將而擊之。

世將問策。安出。璘曰。有新立疊陣法。每

戰。以長槍居前。坐不得起。次最強弓。次

強弩。跪膝以俟。次神臂弓。約賊相搏。至

百步內。則神臂先發。七十步強弓併發。

吳璘疊陣法

次陣如之。見陣以拒馬為限，鐵鈎相連。俟其傷，則更代之。遇更代，則以鼓為節。騎兩翼以蔽於前，陣成而騎退，謂之疊陣。諸將始猶竊議曰：吾軍其殲于此乎？璘曰：此古束伍令也。軍法有之。諸軍不識耳。得車戰餘意，無出於此。戰士心定，則能持滿，敵雖銳，不能當也。時胡蓋習不祝，據險自固。前臨峻嶺，後控臘家城。謂璘必不敢輕犯。先一日，璘會諸將問

所以攻。姚仲曰：戰于山上，則勝。璘然之。

秦州
吳璘復

所以攻。姚仲曰：戰于山上則勝。璘然之。乃請戰。敵皆笑。夜半，璘遣姚仲、王彥、衛枚截坡。約二將上嶺，而後發火。二將至嶺，寂無人聲。軍已畢列。萬炬齊發，敵駭愕曰：吾事敗矣。習不祝善謀。胡蓋善戰。二將異議。璘先以兵挑之。胡蓋果出塵戰。璘以疊陣法更休送戰，輕裘肥馬，亟麾之士，殊死鬪。人大敗，降者萬人。胡蓋走保臘家城。璘圍而攻之，城垂破。朝

張俊薦
劉子羽

廷方主和議。以驛書詔班師。時璘拔秦州。其勢方張。陝西河東首領爭來附之。而楊政拔隴州。及破岐下諸屯。郭浩復華州。入陝州矣。詔至。諸將各還鎮。胡世將惟浩歎而已。○詔復劉子羽朝請大夫。知鎮江府。兼沿江安撫使。初張俊嘗為子羽之父。韜部曲。韜器之。至是俊為樞密。遂薦其才。故復用焉。○莫將還自

金詔以劉光遠為金國通問使。○冬。十

月金人入楚泗州○劉光遠還自金詔

以魏良臣為金國稟議使兀术遣光遠還。要重使會

議秦檜奏遣良臣往○下萬壽觀使岳飛于大理

寺獄時秦檜必欲殺飛乃與張俊謀密

誘飛部曲能告飛事者優以重賞卒無

應者俊聞飛嘗欲斬統制王貴又嘗杖

之乃誘貴告飛貴不肯曰為大將寧免

以賞罰用人苟以為怨將不勝其怨俊

因劫以私事貴懼而從之檜又聞飛統

秦檜張俊謀陷岳飛

制王俊善告訐號鵬兒以姦貪屢為張
憲所抑使人諭之王俊即許諾於是檜
俊謀以張憲王貴王俊皆飛部將使其
徒自攻發因以及飛父子庶帝不疑俊
時在鎮江乃自為狀付王俊妄言副都
統制張憲謀據襄陽還飛兵柄令告王
貴使貴執憲赴鎮江行樞密府鞫之憲
未至俊預為獄以待之屬吏王應求白
俊以為樞院無推勘法俊不聽親行鞫

俊以為樞院血不推勘法俊不聽親行鞫

岳飛就大理寺獄

鍊使憲自誣謂得飛子雲手書命憲營
還兵計憲被掠無完膚竟不伏俊手自
具獄成告檜械憲至行在下大理寺獄
檜奏召飛父子證憲事帝曰刑所以止
亂勿妄追證動搖人心檜矯詔遣使召
飛父子使者至飛第飛笑曰皇天后土
可表此心遂與雲就大理獄檜命中丞
何鑄大理卿周三畏鞫之鑄引飛至庭
詰其反狀飛裂裳以背示鑄有舊日盡

忠報國四大字。深入膚理。既而閱實俱無驗。鑄察其寃。白之檜。檜曰。此上意也。鑄曰。鑄豈區區為一岳飛者。強敵未滅。無故戮一大將。失士卒心。非社稷之長計。檜語塞。乃改命諫議大夫。万俟卨。卨素與飛有怨。遂誣飛。令于鵬。孫革。致書張憲。王貴。令虛申探報。以動朝廷。雲與憲書。令措置。使飛還軍。且云。其書已焚。飛坐繫兩月。無可證者。或教卨以臺章。

所指淮西逗遛事為言。高喜白檜。檜

飛坐繫兩月無可證者或赦高以臺章

所指淮西逗遛事為言。高喜白檜簿錄

飛家取所賜御札與往來道塗日月皆

可攷乃收其御札送官藏之以滅迹。高

又使于鵬孫革等證飛受詔逗遛命評

事元龜年取行軍時日雜定之傳會其

獄大理卿薛仁輔寺丞李若樸何彥猷

皆言飛無辜判宗正寺士儂請以百口

保飛無它且曰中原未靖禍及忠義是

忘二聖不欲復中原也皆不聽韓世忠

秦檜傳
會岳飛
獄

韓世忠
心不平

心不平。詰檜詰其實。檜曰。飛子雲與張
 憲書雖不明。其事體莫須有。世忠曰。莫
 須有。三字。何以服天下也。○韓世忠罷
 世忠深以和議為不然。及魏良臣使金。
 世忠諫曰。中原士民。淪于腥羶。其間豪
 傑。莫不延頸以俟。吊民伐罪之師。自此
 與和。日月侵尋。人情銷弱。國勢委靡。誰
 復振之。北使之來。乞與面議。復抗疏言。
 秦檜誤國之罪。檜諷言官論之。帝不聽。

韓世忠
 罷

秦檜誤國之罪檜諷言官論之帝不聽

而世忠連疏乞罷遂罷為醴泉觀使封

福國公尋進封咸安郡王世忠自是杜

門謝客絕口不言兵時跨驢携酒從一

二奚童縱游西湖以自樂澹然自如若

未嘗有權位者平時將佐罕得見其面

十餘年而卒世忠性戇陟降直勇敢忠

義事關廟社必流涕極言與秦檜同在

政府一揖之外未嘗與談嗜義輕財持

軍嚴整與士卒同甘苦器仗規畫莫不

精絕○**金**人取濠州○邵隆復商虢陝

州○十一月范同罷秦檜惡之故也○安置提

學洞霄宮李光于藤州○魏良臣及**金**

蕭毅來議以淮水為界求割唐鄧二州

歲幣銀絹各二十五萬○及**金**平畫淮

水中流為疆以唐鄧二州界之詔川陝

宣撫司毋出兵生事招納叛亡○以何

鑄僉書樞密院事充**金**國報謝進誓表

使表界曰臣構言今宋畫疆合以淮水

及金平畫淮水
中流為界

鄧州西四十一里并南四十一里為界屬鄧

秦檜殺岳飛岳雲張憲

鄧州西四十里。并南四十里。為界。屬鄧州。其四十里外。並西南盡屬光化。軍為敝邑。沿邊州城。既蒙恩造。許備藩方。世子孫。謹守臣節。每年皇帝生辰。并正日。遣使稱賀。不絕。歲貢銀絹二十五萬兩。匹。自壬戌年為首。每春季。差人般送。至泗州交納。有渝此盟。明神是殛。墜命亡氏。踣其國家。臣今既進誓表。伏望上國。蚤降誓詔。庶使敝邑永有憑。○詔周馬鑄至。見兀術。遂入會寧。

聿莫將鄭剛中。分畫京西唐鄧陝西地

界以界人。秦檜殺萬壽觀使岳飛

于大理寺獄。時歲已暮。而飛獄不成。一

日秦檜手書小紙付獄。即報飛死矣。年

飛死金
人酌酒
相慶

飛天性
忠孝

三十九。雲與張憲皆棄市。于鵬等從坐者六人。籍飛家貲。徙之嶺南。於是薛仁輔、李若樸、何彥猷皆被黜。布衣劉元升上書訟飛冤。下大理獄死。凡傳成其獄者皆進秩。洪皓在金以蠟書奏言金人所畏服者惟飛。至以父呼之。及聞其死。諸酋酌酒相賀云。飛事親孝。立志慷慨。以必取中原滅讎虜為念。自奉甚薄。少飲酒。能至數斗。帝嘗戒之曰。卿異時到

河朔乃可飲酒。遂絕口不飲。家無姬侍。

飲酒能至數斗。帝嘗戒之曰。卿異時到

河朔乃可飲酒。遂絕口不飲。家無姬侍。

吳玠素服飛。願與交驩。乃飾名姝遺之。

飛曰。主上宵旰。豈大將安樂時耶。却不

受玠益敬服。帝欲為飛營第。飛辭曰。金

虜未滅。何以家為。或問天下何時太平。

飛曰。文臣不愛錢。武臣不惜死。天下太

平矣。卒有取民麻一縷以束芻者。立斬

以徇。卒夜宿。民開門願納。無敢入者。軍

號凍死不拆屋。餓死不鹵掠。卒有疾。飛

岳飛單
令嚴關

躬為調藥。諸將遠戍。飛遣妻問勞其家。死事者哭之。而育其孤。或以子婚其女。凡有頒犒。均給軍吏。秋毫不私。善以少擊衆。欲有所舉。盡召諸統制與謀。謀定而後戰。故有勝無敗。猝遇敵不動。故敵為之語曰。撼山易。撼岳家軍難。張俊嘗問用兵之術。飛曰。仁信智勇嚴關一不可。飛好賢禮士。覽經史。雅歌投壺。恂恂如書生。每辭官。必曰。將士效力。飛何功。

如書生。毋辭官。必曰。將士效力。飛何功。

之有。然忠憤激烈。議論持正。不挫于人。卒以此得禍。蓋飛與檜勢不並存者也。

呂東萊曰

飛之死。尤不厭衆心。飛忠

飛以寡
敵衆

孝出於天性。自結髮從戎。凡歷數百戰。內平劇盜。外抗強胡。其用兵也。尤善以寡勝衆。其從杜充也。以八百人破群盜五十萬衆於南薰門外。其破曹成也。以八千人破其十萬衆於桂嶺。其戰兀朮也。於潁昌則以背嵬八

百於朱仙鎮則以背嵬五百皆破其
 衆十餘萬虜人所畏服不敢以名稱
 至以父呼之自兀术有必殺而後可
 和之言。擗之心與虜合而張俊之心
 又與檜合。媒孽橫生。不置之死地不
 止。而莫須有三字。強以傳會。欲加之
 罪。其無辭乎。千載而下。每念岳武穆
 之冤。直欲籲天而無從也。

籲。天語出書經。籲音

裕呼也

十二年 金皇統二年 西遼 仁宗

十二

年

金皇統二年

○西遼仁宗

○夏大慶

○夏大慶

三

春正月

張俊還自鎮江

○

金

衍聖公

孔璠卒

子拯嗣

○

二月

進封建國公瑗

瑗

為普安郡王

○

何鑄還自

金

初蕭毅至

行在

帝曰朕有天下而養不及親徽宗

無及矣

今立信誓明言歸我太后朕不

耻和不然朕不憚用兵及鑄往使帝召

至內殿諭之曰朕北望庭闈無淚可揮

鄉見金主當曰慈親之在上國一老人

鄉見金主當曰慈親之在上國一老人

進封建國公

卒 胡世將

耳。在本國。則所繫甚重。以至誠說之。庶
 彼有感。鑄至_金首以太后為請_金主曰。
 先朝業已如此。豈可輒改。曹勛再三懇
 請。金主乃許之。遂遣鑄還。許歸徽宗之
 喪。及帝母韋氏_金改封劉豫為曹王
 ○三月。放判大宗正寺齊安郡王士儂
 于建州。秦檜惡其救岳飛也。○四川宣
 撫副使胡世將卒。○夏。四月。策進士于
 射殿。賜陳誠之。秦熈等及第。_{秦檜無子。妻兄王}

射殿賜陳誠之秦熈等及第秦熈無子

煥尊子南省擢熈第一。檜以為嫌。故以

誠之為首。以其策專主和議云。○以孟

忠厚為迎護梓宮禮儀使。王次翁為奉

迎兩宮禮儀使。○**金**使劉筈來。以衮冕

圭冊。冊帝為大宋皇帝。○**金**主立其子

濟安為太子。金自太宗及金主皆自諸

班勃極烈即位。主是始正名位。定制。度馬。○脩臨安府學為太學。○五月

以鄭剛中為川陝宣撫副使。○沈昭遠

如**金**。○初置權場于盱眙。○**金**主宴群

臣于五雲樓金主自去年荒于酒。諫者

日當戒。然未嘗止也。○六月安置提舉

臨安府洞霄宮王庶于道州○以吳璘

為階成岷鳳四州經畧使○秋七月竄

復竄胡銓

福州判官胡銓于新州秦檜諷司諫羅汝楫論銓飾非

橫議。故○八月何鑄罷秦檜以其不附會岳飛之獄。怨

之○以万俟卨參知政事。充金國報謝

皇后韋氏至自

使○皇太后韋氏至自金居于慈寧宮

舍○鄭剛中以商秦之半界金人棄方山

鄭剛中以商秦之半界

和尚二原。以大散關為界。○徽宗皇帝

顯肅皇后鄭氏及懿節皇后邢氏之喪

至自金帝易總服。奉安于龍德別宮。○

九月。以孟忠厚為樞密使。充攢宮總護

使。○大赦。加秦檜太師。封魏國公。以和

好成也。○以五次翁克金國報謝使。○

以郭浩為金房開達。四州經畧安撫使。

○楊愿如金賀正旦。○金置權場于壽

鄧州鳳翔府。○冬十月。葬徽宗及顯肅

徽宗梓
宮回

續資治通鑑長編

卷一百一十四

皇后于永固陵。以懿節皇后祔之。尋改

曰永祐。○以程克俊僉書樞密院事。○

進封秦檜為秦魏兩國公。辭不拜。以太

鑿推恩也。檜以封兩國與蔡京同。故辭。○十一月。貶何鑄

為祕書少監。以其援岳飛也。○張俊有罪免。初

俊贊秦檜成和議。約盡罷諸將。獨以兵

權歸俊。及諸將已罷。和議已定。而俊居

位。無求去之意。檜諷臺臣江蘧論之。俊

乃求去。遂以靜江寧武靜海軍節度使

張俊免

乃求去遂以靜江寧武靜海軍節度使

尹焞卒

充醴泉觀使。進封清河郡王。奉朝請。十
餘年而卒。俊握兵最早。屢立戰功。帝於
諸將中眷注特厚。然忌劉錡。附秦檜。殺
岳飛。為世所鄙薄。○徽猷閣待制致仕
尹焞卒。焞質直弘毅。實體力行。程頤嘗
以魯許之。且曰。我死而不失其正者。尹
氏子也。○罷朝請大夫。知鎮江府。劉子羽。
先是子羽言和好本非久遠計。宜及間
暇時脩城壘。厲器械。備舟楫。以俟時變。

劉子羽
罷

秦檜始以復職非已出已不悅至是益
怒諷諫議大夫羅汝楫論其專任私意
變亂是非遂提舉江州太平觀罷歸○
詔祕書少監秦熿脩建炎以來日曆秦
檜自知不為士論所與乃乞以子熿領
國史自檜再相凡詔書章疏稍及檜者
率更易焚棄因以太后北還為已功自
頌其事使著作郎王楊英周執羔上之
○孟忠厚罷○十二月金太子濟安卒

○子孟忠厚罷○十二月○太子濟安卒

○西遼○感天后蕭氏卒。子夷列立。籍民

十八歲以上者。得八萬四千五百

癸亥十三年金皇統三年○西遼紹興二年○夏大慶四年春

二月。作景靈宮于臨安○三月。築太社

太稷壇○築園丘○夏四月。頒鄉飲酒

儀于諸州○閏月。立貴妃吳氏為皇后

后。開封人。年十四。選入王邸。帝既即位。后嘗以戎服侍左右。習書史。善翰墨。寵

遇。日隆。累進貴妃。帝憐邢后在王次翁

金。虛中宮以待其還。至是始立○五月金初立太廟社稷○六月程

續資治通鑑長編卷一百一十五

行人洪
皓等歸

克俊罷。○秋八月。行人洪皓。張邵。朱弁。
還自金。自建炎以來。奉使如金。被拘囚
者三十餘人。至是以和議成。許使人還。
餘皆物故。惟三人得歸。已而金人懼為
已患。遣人追之。七騎及淮。而皓等已在
舟中矣。皓留金十五年而還。入對內殿。
求郡養母。帝曰。卿忠貫日月。志不忘君。
雖蘇武不能過。豈可捨朕去耶。皓退見
秦檜。連日不止。曰。張和。公金人所憚。乃

秦檜連日不止曰張和公金人所憐乃

洪皓言

檜無中

原意

不得用錢塘暫居而景靈宮太廟皆極
 土木之華豈非示無中原意乎檜不懌
 謂皓子适曰尊公信有忠節得上眷但
 官職如讀書速則易終而無味須如黃
 鍾大呂乃可遂除皓徽猷閣直學士復
 以論事忤檜出知饒州○遣江邀奉迎
 累朝神御于温州○九月宗室左朝奉
 大夫子偁卒詔普安郡王瑗解官持服
 ○冬十月奉安累朝神御于景靈宮○

求遺書

十一月。有事于園丘。赦。○十二月癸未

朔。日食不見。○**金**使完顏曄來賀正。○

初營田于關外。○建秘書省。○求遺書

浙江圖書

資治通鑑節要續編卷之十四



浙江圖書館

浙江圖書館善本


甲登記號：004459

一九 年 月 日

資治通鑑節要續編卷之十四



浙江圖書館





浙江圖書館



Inches 1 2 3 4 5 6 7 8

Centimetres 1 2 3 4 5 6 7 8 9 10 11 12 13 14 15 16 17 18 19

TIFFEN Color Control Patches © The Tiffen Company, 2007

Blue Cyan Green Yellow Red Magenta White 3/Color Black